



Nuuk, 9. november 2012

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppavut.

Apeqqutit:

1. **Erngup nukinganik inaallagissiorfiliorderit sananeqarnerini nunaqavissut qanoq amerlatigisut atorreqarsimappat?**
2. **Qulaani pineqartuni sulisut tamaasa eqqarsaatigalugit, aamma Nunatta avataaneersut ilanngullugit, sanaartornerup nalaani Nunarput A-skat-inik qanoq annertutigisunik pissarsisimava?**
3. **Sisimiuni Ilulissanilu erngup nukinganik innallagissiorfiliorderit eqqarsaatigalugit matuma ataani pineqartut pillugit akileraarutinik isertitanit agguataarineq qanoq isikkoqarsimava:**
 - a) **Sulisut akornanni tamakkiisumik akileraaruteqartitaasimasut (bruttoskat) eqqarsaatigalugit**
 - b) **Suliut akornanni tamakkiisumik akileraartussaataasimasut (fuld skattepligt) eqqarsaatigalugit**
 - c) **Sulisut akornanni killilimmik akileraartussaataasimasut (begrænset skattepligt) eqqarsaatigalugit**
 - d) **Sulisut akornanni marloriaammik akileraaruserneqannginnissaq siunertaralugu isumaqatigiissutaasunit ilaatinneqartut eqqarsaatigalugit**
 - e) **Sulisut akornanni ullut 14-it pillugit maleruagassaq naapertorlugu ilaatinneqartut eqqarsaatigalugit**
4. **Suliffeqarfiit erngup nukinganik innaallagissiorfinnik sanaartornermi suliassaqartinneqarsimasut akornanni qassit Nunatsinni angerlarsimaffeqarnertik malillugu tamakkiisumik akileraartussaataasimanersut Naalakkersuisunit paasissutissiissutigineqarsinnaanerluni?**

(Inatsisartuni ilaasortat Malik Berthelsen, Siumut & Naaja Nathanielsen, Inuit Ataqatigiit)

Tunngavilersuut:

Nunatsinni sanaartugassat annertoorsuit ukiuni aggersuni amerliartortussaapput. Angallanneq eqqarsaatigalugu piorsaaniartoqarpoq, erngup nukinga iluaqutigalugu innaallagissiorfiit amerliniarneqarput aammalu suliniutini angisuuni sanaartugassanik taagorneqartut aallartisarniarneqarlutik. Sanaartugassat tamakku malitsigisaanik Nunatta avataaniit suliarortussat amerlissasut qularnanngilaq. Nunatsinni sulisinnaasut killeqarmata tamakkunani kisimiillutik sanaartugassani suleqataalersinnaanerat qularnarpoq. Pissutsit taamaaqqissaanerat pissutaalluni taamaammat Nunatsinni akileraaruserisarfiit sulisussa-qarniarnikkut allatigullu nunanit allanit suliarortitaasussat kiisalu suliffeqarfiit Nunatta avataaneersut akileraarutissaannik naammaginartumik isertitaqarsinnaassanersut paasissallugu soqutiginaasaaq. Ukiuni kingullerni sanaartugassat annertuut Nunatsinni ingerlanneqartarsimasut eqqarsaatigalugit sutigut misilittagaqarfiginerigut aammattaq tusarfigissallugu soqutiginaasaaq.